

Մուստաֆա փաշան հասնելով Կարս, անմիջապես ձեռնամուխ եղավ բերդի վերակառուցմանը, որը 1555 թ. հաշտության պայմանագրի համաձայն իրավունք չունեին ամրացնելու։ Մուհամմադի խանը շտապեց այս մասին տեղեկացնել շահին և օգնություն խնդրել։ Թեև շահը Ղարաբաղի և Աղերբաջանի բեկլարբեկներին հրահանգել էր իրենց զորքերով օգնության հասնել Մուհամմադի խանին, սակայն օգնության եկան միայն Ղարաբաղի Իմամկուլի խանի զորամասերը, իսկ ուսթաշլուներին թշնամի, թաքալու ցեղի առաջնորդ, Աղերբաջանի բեկլարբեկի Ամիր խանը դանդաղեց, նպատակ ունենալով ուսթաշլու կրգըբաշներին միայնակ թողնել թուրքական զերազանց ուժերի առաջ։ Եվ իրոք Մուհամմադի խանի և Իմամկուլի խանի ընդամենը 15.000 կովոդներից բաղկացած ուժերը չդիմանալով Մուստաֆա փաշայի զերակշիռ զորքերի հարձակմանը, պարտություն կրեցին ու դիմեցին փախուստի³¹։

Այս չափազանց հեշտ ձեռք բերված հաղթանակից հետո Մուստաֆա փաշան համարյա առանց դիմադրության հանդիպելու մտավ Վրաստան, գրավեց բոլոր ամրությունները, ապա անցավ Շիրվան, որտեղ նույնպես առանց լուրջ ընդհարումների տիրեց Շամախու, Արեշի, Բաբլի և այլ բերդերի, ամրացրեց դրանք և անհրաժեշտ ռազմամիջոցներով ու հանդերձանքով ապահովված բերդապահ կայազորներ թողնելով, ետ վերադարձավ։

Երևանի գրավման նպատակով ծրագրված արշավանքը իրագործվեց մեկ տարի հետո միայն՝ 1579 թ. աշնանը։ Դա կալա Մուստաֆա փաշան հանձնարարեց էրզրումի Հուսեյն փաշային, նրա հրամանատարության տակ դնելով 40.000-անոց բանակ։ Իսքանդար Մունշիի պատմության Մատենադարանում պահվող XVII դ. մի ձեռագրում պահպանվել է այս դեպքերի մանրամասն նկարագրությունը, ըստ որի Մուհամմադի խանի փոքրամիջ զորքերը կատաղի դիմադրում են։ Չնայած թուրքերին հաջողվում է կոտրել այդ դիմադրությունն ու մտնել Երևան, սակայն նրանք միայն մեկ օր են կարողանում մնալ այնտեղ, քանի որ կրգըբաշների ուժեղ ճնշման տակ ստիպված են լինում թողնել քաղաքն ու նահանջել դեպի էրզրում³²։

Սակայն այս մեկ օրը նույնիսկ բավական էր, որպեսզի գաղաղած ենիչերիները անասելի կողոպուտի և գերեվարության ենթարկեին քաղաքի բնակչությանը։ Թուրքերը նախապես ասպատակել էին նաև Երևանի մերձակա 18 գյուղերը³³։ Այս աղետալի իրադարձությունների պատկերավոր նկարագրությունը պահպանվել է նաև Հովհաննես գրչի չափածո մի հիշատակարանում³⁴։

Այս դեպքերից հետո Երևանը չորս տարի մնաց կրգըբաշների տիրապետության տակ։

1583 թ. սուլթան Մուրադ III-ը Ֆարհադ փաշային նշանակեց արևելյան բանակների հրամանատար և հրամայեց արշավել դեպի Երևան ու նախիջևան։ Մուհամմադի խան Թոխմախը, թեև այդ մասին տեղեկացրեց Իմամկուլի և Ամիր խաններին, սակայն նրանցից ոչ մի օգնություն չստանալով՝ ստիպված

31 Ի ս ք ա ն դ ա Ր Մ ու ն շ ի, հ. I, էջ 233, տես նաև, «Թուրքական աղբյուրներ», հ. I, էջ 35—36։

32 Տե՛ս Մատենադարանի արաբատու ձեռագրեր, № 11, էջ 237ա։

33 Մանո ժամանակագրություննեո, XIII—XVIII դդ., հ. I, նստմեց վ. Ա. Հ ա Ն ո յ ա ն, Երևան, 1951, էջ 172։

34 Ղ. Ա լ ի շ ա ն, Այրարատ, էջ 300—301։